

TANGAZO LA SERIKALI NA. 602 la tarehe 25/12/2015

SHERIA YA SERIKALI ZA MITAA (MAMLAKA ZA WILAYA)

(SURA 287)

SHERIA NDOGO

(Zimetungwa chini ya kingufu cha 153)

SHERIA NDOGO ZA (UTUNZAJI WA BARABARA) ZA HALMASHAURI YA WILAYA YA MBOGWE, 2015

- | | |
|---|--|
| Jina na mwanzo
wa kuanza
kutumika | 1. Sheria Ndogo hizi zitaitwa Sheria Ndogo za (Utunzaji wa Barabara) za Halmashauri ya Wilaya ya Mbogwe za mwaka, 2015 na zitaanza kutumika baada ya kutangazwa kwenye Gazeti la Serikali. |
| Matumizi | 2. Sheria Ndogo hizi zitatumika katika maeneo yote yalioko chini ya Mamlaka ya Halmashauri ya wilaya ya Mbogwe. |
| Tafsiri | 3. Katika Sheria Ndogo hizi:-

“Afisa Mwidhinishwa” maana yake ni Mhandisi wa ujenzi au Afisa yeyote aliyeidhinishwa na Halmashauri kusimamia uatekelezaji wa Sheria Ndogo hizi;

“Barabara” maana yake ni barabara zote zinazopitika kwa magari katika eneo lote la Halmashauri ya wilaya;

“Eneo la barabara” maana yake ni eneo la barabara lilohifadhiwa ambalo ni umbali wa mita kumi na tano (15) kwa barabara za vijiji, mita ishirini (20) kwa barabara za wilaya na mita kumi na mbili nukta tano (12.5) kwa barabara za jamii kila upande kutoka katikati ya barabara; |

“Halmashauri” maana yake ni Halmashauri ya Wilaya ya Mbogwe;

“Kijiji” maana yake ni kijiji kilichosajiliwa chini ya Sheria ya Serikali za Mitaa (mamlaka za wilaya);

“Mkurugenzi” maana yake ni Mkurugenzi Mtendaji wa Halmashauri ya wilaya ya Mbogwe pamoja na Afisa yeyote wa umma atakayeteuliwa kusimamia utekelezaji wa Sheria Ndogo hizi.

Wajibu wa
Halmashauri

4. (1) Ni wajibu wa Halmashauri kuhakikisha kuwa barabara zote zilizoko kwenye eneo lake zinapitika majira yote ya mwaka kwa magari ambayo yanakubalika kulingana na uzito.
(2) Ni wajibu wa Halmashauri kutenga njia maalum ya kupitishia mifugo wakati wa kwenda na kurudi malishoni au minadani.

Kulima au
kujenga
kwenye
maeneo ya
barabara

5. (1) Ni marufuku kwa mtu yeyote:-
(a) Kujenga au kulima kwenye maeneo ya hifadhi ya barabara;
(b) Kupitisha wanyama ndani na kando ya barabara;
(c) Kufanya biashara ndani ya eneo la barabara.
(d) Kuendesha au kupitisha gari yenye uzito wa zaidi ya tani 10.
- (2) Halmashauri itampa notisi ya siku kumi na nne (14) mkazi yeyote aliyejenga au kulima kwenye maeneo ya hifadhi ikimtaka mkazi huyo kubomoa jengo lake au kung’oa mazao aliyopanda kwenye maeneo ya hifadhi ya barabara.

- (3) Endapo muhusika atashindwa kutekeleza masharti ya kifungu cha (2) Halmashauri itakuwa na uwezo wa kubomoa jengo hilo au kung'oa mazao aliyopandwa na kumtaka mhusika kulipa gharama ambazo Halmashauri imeingia.

Makosa

6. Mtu yeyote ambaye:-
- (a) Atajenga nyumba au kuchimba kwenye maeneo ya barabara au hifadhi ya barabara;
 - (b) Ataelekeza maji kwenye maeneo ya barabara;
 - (c) Atapitisha mifugo kwa kuswaga kwenye maeneo ya barabara au hifadhi ya barabara;
 - (d) Ataharibu miundo mbinu ya barabara;
 - (e) Ataiba alama za barabara;
 - (f) Atatupa takataka kwenye barabara, mitaroni au pembeni ya barabara;
- Atakuwa ametenda kosa.

Adhabu

7. Mtu yeyote atakayevunja sheria Ndogo hizi atakuwa ametenda kosa na akipatikana na hatia atalipa faini isiyopungua shilingi elfu hamsini (50,000/=) na isiyozidi laki tatu (300,000) au kifungo kisichozidi miezi kumi na mbili jela au adhabu zote mbili kwa pamoja yaani faini na kifungo.

Kufifisha kosa

8. Mkurugenzi anaweza kumtoza faini ya Tshs. 250,000/= mtu yeyote endapo mkosaji atakiri kosa kwa kujaza fomu katika jedwari la Sheria Ndogo hizi na kulipa gharama zote za kumfuatilia zilizoagizwa na Halmashauri.

JEDWALI LA KWANZA

**SHERIA NDOGO ZA HALMASHAURI YA WILAYA YA
MBOGWE (UTUNZAJI WA BARABARA) ZA MWAKA ,2015**

HATI YA KUKIRI KOSA

(Chini ya kifungu cha 8)

Mimi nakiri
mbele ya Mkurugenzi Mtendaji wa
Halmashauri ya wilaya ya Mbogwe kwamba mnamo tarehe ya
mwezi nilitenda kosa kwa kukiuka masharti ya kifungu cha
..... cha Sheria Ndogo za (Utunzaji wa Barabara) Halmashauri ya
wilaya ya Mbogwe za mwaka, 2015. Nipo tayari kulipa kiasi cha faini
ninachodaiwa ikiwa Mkurugenzi ataamua kutekeleza mamlaka aliyopewa chini
ya kifungu cha 8 cha sheria ndogo hii.

Nathibitisha kwamba maelezo ya hapo juu ni ya kweli na nimeyatoa kwa hiari
yangu kadri ya ufahamu wangu.

TareheSahihi

Nembo ya Halmashauri imewekwa katika Sheria Ndogo hizi kwa kuzingatia Azimio lililopitishwa kwenye mkutano wa Halmashauri uliiofanyika tarehe 04 mwezi 08 mwaka 2014, Mbele ya:

ABDALLAH IDD MFAUME,
Mkurugenzi
Halmashauri ya Wilaya ya Mbogwe.

VINCENT BENEDICTO BUSIGA,
Mwenyekiti
Halmashauri ya
Wilaya ya Mbogwe

NAKUBALI,

Dodoma,
03 November, 2015

MHE. MIZENGO P. PINDA (MB.)
Waziri Mkuu

